



Inatsisartuni ilaasortaq, Naaja Nathanielsen
Inuit Ataqaqatigiit
/MAANI

**Attaveqaqatigiinnermik misissueqqissaarneq pillugu § 37 naapertorlugu
apeqqummut nr. 149-mut akissuteqaat**

Brevdato: 16-06-2015
Sags nr. 2015-115693
Dok. nr. 1993164
Postboks 909
3900 Nuuk
Tlf.: (+299) 34 50 00
Fax: (+299) 32 52 86
E-mail: isan@nаноq.gl
www.naalakkersuisut.gl

Asasara Naaja Nathanielsen.

Attaveqaqatigiinnermik misissueqqissaarneq pillugu apeqqutinnut, Inatsisartut suleriaasianni § 37 naapertorlugu nassiussannut qujanaq. Matuma kinguliani apeqqutitit issuarneqarput, akissutitaannik malitseqartinneqarlutik.

1.

Misissuinerit misissueqqissaarnerillu qassit a) maannarpiaq ingerlanneqarpat, b) ukiuni 2015-imi 2016-imilu aallarnisarneqassappat c) 2011-imiit aallarnisarneqarsimappat naammassineqarlutillu, attaveqarnikkut ataqaqatigiissaarinerup (infrastrukturuomrádet)? Apeqqutigineqartut ilanngullugit suliniutit aalajangersimasut pineqarput kiisalu attaveqarnikkut ataqaqatigiissaarinikkullu tamakkiisumik isigalugu misissueqqissaarinerit.

2011-miilli misissueqqissaarnerit 17-it naammassineqarput, maannarpiallu misissueqqissaarnerit arfinillit ingerlanneqarput, taakkunanngalu ataaseq kisimi pinnani 2015-imi aasaanerani naammassineqarnissaat naatsorsuutigineqarpoq. Maannarpiaq misissueqqissaarnerit nutaanik pilersaaruteqartoqanngilaq. Itisiliinissamut ilanngussaq 1 innersuussutigineqarpoq.

2.

Misissuinerit misissueqqissaarnerillu ingerlanneqartut imaluunniit ingerlanneqartussat konto 87.11.19 ”Angallannermut ataatsimiititaliaq - misissueqqaarnerit (Transportkommissionen – forundersøgelser)” aningaasalersorneqarpat? Imaluunniit kontonit allanit aningaasalersorneqarpat? Taamaassimappat, suut kontot.

Misissueqqissaarnerit imm. 1-imi taaneqartut amerlanersaat konto pingaarneq 87.11.09 Assartuussineq pillugu Isumalioqatigiissitaq – misissueqqaarnerit aqputigalugu aningaasalersorneqarput. Kisiannili aningaasartuutit ilaat attaveqarnermut kontot allat aqputigalugit akilerneqarput: 72.20.04 Sanaartornermut oqartussaaneq – Angallanneq, aamma 72.20.07 Nakkutilliineq misissuinerlu, angallanneq. Nuummi umiarsualivimmi misissueqqissaarnermut aningaasartuutit Assartuussineq pillugu Isumalioqatigiissitaq misissueqqaarnerannut konto aqputigalugu akilerneqarput, kisiannili Sikuki Nuuk Harbour A/S-imit utertinneqarlutik.

3.

Apeqquteqaatip 1-ip ataani apeqqutigineqartut ataani inissinneqarsinnaasunik misissuinerit misissueqqissaarnerillu suliffeqarfiit ingerlatsisimappat imaluunniit ingerlatsippat qangalu suliaqkiussut suliaqkiissutigineqarpat?

Misissueqqissaarnerit imm. 1-imi taaneqartut suliffeqarfinit siunnersorteqarfiusunit ukunannga suliarineqarput:

Copenhagen Economics A/S, Cowi A/S, Deloitte A/S, Force Technology, Grontmij A/S, Integra A/S, Inuplan A/S, Mannvit Aps, Orbicon Grønland A/S, Rambøll A/S aamma TNT Nuuk A/S.

Misissueqqissaarnerit ingerlanneqarnerinut piffissanut atorneqartunut ilanngussaq 1 innersuunneqarpoq.

4.

Suliassat suliariumannittussarsiuunneqarpat? Taamaassimangippat tunngavilersuutit suliniutinut ataasiakkaanut suliariumannittussarsiuunneqaqqaaratik ingerlanneqartut nassuiaasersorneqarnissaat kissaatigineqassaaq.

Kalaallit Nunaata kujataani VSB-mut misissueqqissaarneq kisimi suliariumannittussarsiuunneqarpoq. Suliani allani siunnersuisunik ataasiakkaanik toqqaasoqarpoq. Siunnersuisunit sullinneqarnerit taamaattut suliariumannittussarsiuunnissaat inatsisitigut piumasaqaataanngilaq, taamaattumillu suliffeqarfiit arlaat, suliassanik pineqartunik naammassinninnissamut piareersimallu arnerunersoq ingerlaavartumik naliliiffigineqartarpoq.

5.

Nalunaarusiat misissueqqissaarinernillu nalunaarusiat tamanit pissarsiarineqarsinnaappat tamanullu saqqummiunneqarsimappat? Taamaassimangippat nassuiaateqarfigineqarnissaa kissaatigineqarpoq.

Nalunaarusiat tamarmik Ineqarnermut, Sanaartornermut Attaveqaqatigiinnermullu Naalakkersuisoqarfimmu saaffiginnikkut pissarsiarineqarsinnaapput. Misissueqqissaarnerit amerlanersaat Naalakkersuisut nittartagaatigut tamanut ammasumik saqqummiunneqanngillat, misissueqqissaarnerit sulinermut uppersaatitut, attaveqaatinik ineriartortitsinermi aalajangiiniarnermut ilaasutut nalilerneqartarmata.

6.

Naalakkersuisut `nuna avannarliit mittarfeqarfik (nordatlantisk landingsbane)` oqariartuutip isumasiutaa nassuiaateqarfigisinnaavaat? Soqutigivara paasissallugu nuna avannarliit mittarfeqarfik mittarfeqarfinnut allanut sanilliullugu qanoq ittuussusiata nassuiarneqarnissaa.

Atlantikup avannaani mittarfik tassaavoq mittarfik, Atlantikup avannaani, soorlu Islandimut ilaasunik assartuussinissamut siunertanik naammassinnittussaq.

Mittarfiit takissusissarpiaannik aallussinissamut taarsiullugu suliassat, mittarfimmit aalajangersimasumit naammassineqartussatut naatsorsuutigineqartut aallunneqassapput. Siunertap ilisimaneqalernerani tamatuma kingorna mittarfiup pineqartup siunertatut kissaatigineqartup sapinngisamik pitsaanerpaamik naammassinninnaanissaa anguniarlugu angissusissarpiaa aalajangerneqarsinnaavoq.

Taamaattumik sulinermit taaguutit uku atorneqarput:

Mittarfiup suussusaa	Siunertaq	Timmisartup suussusissaanut assersuut
Nunani tamalaani mittarfiit	Kalaallit Nunaannut aamma Kalaallit Nunaanniit assartuussinermut atorneqartut	
Atlantikup illuatungaanut	Asiamit, USA-p kippasinnerusortaanit il.il. ungasissumut timmisartuussinereit	Timmisartut sukkasuuliat angisuut
Atlantikumi	Nunanit avannarlernit, Canademit aamma USA-p kangianit timmisartuussinereit	Timmisartut sukkasuuliat akunnattumik angissusillit
Atlantikup avannaani	Islandimit aamma Nunavummit timmisartuussinereit	Timmisartut sukkasuuliat mikisut, timmisartut suluusallit anginerit
Nunap immikkoortuisa akornanni mittarfiit	Nunap immikkoortuisa akornanni timmisartuussinernut atorneqartut	Soorlu Dash 8
Nunap immikkoortuini mittarfiit	Timmisartut 19-it tikillugit ilaasoqarsinnaasut atorlugit najukkani timmisartuussinernut atorneqartut	Soorlu Twin Otter

Inussiarnersumik inuulluaqqusillunga

Knud Kristiansen

Ilanngussaq 1 – Misissueqqissaarnert takussutissiaq

Suliassaq	Misissueqqissaarneq	Suliffeqarfik misissueqqissaartoq	Piffissaq misissueqqissaarfiusoq
Qaortumi mittarfik	Sanaartortitsisumut saqqummiussineq	Inuplan	2013-imi ukiakkut
	Pilersaarusiornermut tunngaviusut	Inuplan	2013-imi upernaakkut → ukiakkut
	Inuiaqatigiit aningaasaqarnerannut sunniutissanik naliliineq	Rambøll	2014-imi aasakkut aamma ukiakkut
	Aningaasat ingerlaartarnerinik misissueqqissaarneq	Rambøll	2014-imi aasakkut aamma ukiakkut
	Silaannaap aalaruluttarneranik misissueqqissaarneq	Force Technology / Inuplan	2014-imi aasakkut aamma ukiakkut
	Silamik misissueqqissaarneq	Asiaq	Ingerlavoq
	VSB	Grontmij	2013 ukiakkut → 2014-imi aasakkut
Kangerlussuarmi umiarsualivik	Pilersaarusiorneq	Orbicon	Ingerlavoq
Nuummi umiarsualivik	Suliassamut siunnersuut	Inuplan	2013
	Titartaasartut titartaanerat	TNT Nuuk	2013-imi ukiakkut
	VVM-imik misissueqqissaarneq	Rambøll	2013 → 2014
	Suleriaasissanut pilersaarut	Deloitte	2012-imi upernaakkut → ukiakkut + 2013-imi ukiakkut
	Inuiaqatigiit aningaasaqarnerannut sunniutissanik naliliineq	Rambøll	2013-ip ukiuata affaani siullermi
Nuummi mittarfik	Pilersaarusiornermut tunngavissat	Inuplan	2013-imi upernaakkut → ukiakkut
	Silaannaap aalaruluttarneranik misissueqqissaarneq	Force Technology / Inuplan	2012-imi aasakkut → ukiakkut
Ilulissani mittarfik	Inuiaqatigiit aningaasaqarnerannut sunniutissanik naliliineq	Cowi	2014-imi aasakkut
	Angallattut ingerlaarnerinik misissueqqissaarneq	Cowi	2014-imi upernaakkut
	Mittarfiup takissusissaanik naliliineq	Integra	2015-imi upernaakkut
Tasiilami mittarfik	Pilersaarusiorneq	Mannvit	Ingerlavoq
Ittoqqortoormiini mittarfik	Pilersaarusiorneq	Mannvit	Ingerlavoq
Misissueqqissaarnerit tamanut tunngasut	Immikkoortumut pilersaarut – silaannakkut angallanneq	Cowi, Integra og Orbicon	Ingerlavoq
	Immikkoortumut pilersaarut – umiasualiviit	Orbicon	Ingerlavoq
	Mittarfeqarnermik namminersortunngorsaaneq	Copenhagen Economics	2014-imi aasakkut